



## UGOVOR

### o nabavci kuglastih ventila sa reduktorom za nadzemnu ugradnju

Ugovorne strane:

KJKP Sarajevogas d.o.o., ul. Trg Fadile Odžaković Žute br. 4, Sarajevo

Koga zastupa: Direktor Preduzeća, mr.sc. Nihada Glamoč, dipl.ing.maš. (u daljem tekstu: Kupac)

i FASEK ENGINEERING AND TRADING d.o.o., Zvonigradska br. 43, Zagreb

Koga zastupa: Direktor Suzana Zeljko, dipl.ing. (u daljem tekstu: Prodavac)

#### Član 1.

Predmet ovog ugovora je nabavka kuglastih ventila sa reduktorom za nadzemnu ugradnju, po otvorenom postupku za dostavljanje ponuda broj TD 05-13/17. Prodavac je dostavio ponudu prema obrascu za cijenu ponude broj SP-OJ04-TD-05-13/17 (ANEKS III).

Sadržaj i vrijednost robe iz stava 1. ovog člana (obrazac za cijenu ponude broj SP-OJ04-TD-05-13/17 ANEKS III) priložen je ovom ugovoru i predstavlja njegov sastavni dio.

#### Član 2.

Ugovorna vrijednost robe iz člana 1. ovog ugovora bez PDV-a iznosi: 74.024,80 KM (slovima: sedamdesetčetirihiljadvedesetčetiri 80/100) KM, a jedinične cijene su specificirane u prilogu ovog ugovora i čine njegov sastavni dio.

#### Član 3.

Prodavac će robe iz člana 1. isporučivati prema obrascu SP-OJ04-TD-05-13/17(ANEKS III) nakon zaključenja ovog ugovor i ispostavljanja narudžbe. Ugovorne strane su saglasne da se kvantitativni i kvalitativni prijem isporučene robe izvrši od strane ovlaštenih predstavnika svake ugovorne strane u skladištu kupca.

Krajnji rok za isporuku robe, nakon svake pojedinačne narudžbe je 140 dana od potpisa ugovora i ispostavljanja narudžbe.

Pri isporuci navedene opreme izabrani ponuđač će uz istu dostaviti :

-originalnu atestno - tehničku dokumentaciju o ispitivanju ugrađenog materijala ventila, hidrauličkom ispitivanju kućišta i sjedišta ventila prema standardu EN 10204 3.1.,

-certifikat o usklađenosti prema PED 97/23/EC,

-certifikat o ispitivanju ventila na vatro – otpornost,

-certifikat o usklađenosti sa primjenjenim standardima/ direktivama za projektovanje, proizvodnju i testiranje ventila i

-uputstvo o montaži, rukovanju i održavanju ventila na jednom od službenih jezika u BiH.

Prodavac daje Kupcu garantni rok od 36 mjeseci za isporučenu robu.

#### Član 4.

Prodavac će obračun isporučene robe vršiti po jediničnim cijenama iz priloga ovom ugovoru. Kupac će plaćanje izvršiti u roku od 30 dana nakon prijema uredno ispostavljene fakture na transakcijski račun naznačen na fakturi Prodavca.

#### Član 5.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane u ispunjavanju njihovih ugovornih obaveza.



**Član 6.**

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

**Član 7.**

Prodavac je u obavezi da u roku od 140 dana nakon dobivanja narudžbe od kupca izvrši isporuku tražene robe. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

**Član 8.**

Ukoliko kupac u ugovornom roku iz člana 4. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

**Član 9.**

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

**Član 10.**

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

**Član 11.**

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.


**Član 12.**

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Kupcu pripada 3 (tri) primjerka a Prodavcu 2 (dva) primjerka.

**Član 13.**

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

**Za Prodavca:**

  
Direktor, Suzana Zeljko, dipl.ing.  
**FASEK**  
ENGINEERING AND TRADING d.o.o.  
ZAGREB, Zvonigradska 43  
tel: fax: 01 3695-525; 01/3695-546; 01/3010-029  
Broj i datum ugovora, 15.06.2017,  
13670417

**Za Kupca:**

Direktor Preduzeća  
  
Mr. sc. Nihada Glamoč, dipl.ing. maš.  
Izvršni direktor  
  
Mr. Mehmed Mehović, dipl.oec.  
Broj i datum ugovora, 12/11  
08-06-2017

